

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 163. sjednici, održanoj dana 14.07.2022. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi poslanice Mirela Mateša Bukva, broj: 01-34-8753-1/22 od 01.06.2022. godine, vezano za prijedlog izmjene Zakona o osnovnoj školi („Službene novine Zeničko-dobojskog kantona“, broj: 3/18) i prijedlog izmjene Zakona o srednjoj školi („Službene novine Zeničko-dobojskog kantona“, broj: 9/17), a koje se prilaže uz ovaj zaključak i smatra njegovim sastavnim dijelom.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/22
Datum, 14.07.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

Na poslaničku inicijativu poslanice Mirele Mateša Bukva, koju je postavila na 45. sjednici Skupštine Zeničko-dobojskog kantona održanoj 30.05.2022. godine, a koja se odnosi na prijedlog izmjene Zakona o osnovnoj školi („Službene novine Zeničko-dobojskog kantona“, broj: 3/18) i prijedlog izmjene Zakona o srednjoj školi („Službene novine Zeničko-dobojskog kantona“, broj: 9/17), Ministarstvo za obrazovanje, nauku, kulturu i sport Zeničko-dobojskog kantona se očituje na sljedeći:

MIŠLJENJE

Razmatrajući podnesenu poslaničku inicijativu koja se odnosi na izmjene Zakona o osnovnoj školi („Službene novine Zeničko-dobojskog kantona“, broj: 3/18) i Zakona o srednjoj školi („Službene novine Zeničko-dobojskog kantona“, broj: 9/17) u segmentu ukidanja proljetnog raspusta moramo navesti da se u Skupštini Zeničko-dobojskog kantona već vodila stručna rasprava o opravdanosti uvođenja proljetnog raspusta, prilikom razmatranja prijedloga Zakona o osnovnoj i Zakona o srednjoj školi.

Stručna rasprava je vođena od strane podnosioca inicijative, resornog Ministarstva i obrazovnog sindikata nakon čega inicijativa nije dobila potrebnu većinu, te se ostalo pri stavu da je Zakonsko rješenje oko uvođenja proljetnog raspusta pedagoški opravdano i dio je reformi obrazovanja na putu ka EU.

U pogledu vaše inicijative da se i Nastavni kalendar uvrste vjerski praznici, moramo naglasiti da je članom 32. stav (7) Zakona o osnovnoj školi („Službene novine Zeničko-dobojskog kantona“, broj: 3/18) i članom 39. stav (7) Zakona o srednjoj školi („Službene novine Zeničko-dobojskog kantona“, broj: 9/17) definisano da osnovna/srednja škola može, radi obilježavanja vjerskih praznika odrediti da se dio zimskog odmora za učenike koristi u toku prvog ili drugog polugodišta, uz prethodnu saglasnost Ministarstva.

Shodno navedenom, Ministarstvo za obrazovanje, nauku, kulturu i sport Zeničko-dobojskog kantona smatra da nisu stečeni uvjeti za prihvatanje navedene inicijative, jer smo postojećim zakonskim rješenjima omogućili obilježavanje vjerskih praznika, a uvođenje proljetnog raspusta je dio reformskih procesa približavanja našeg odgojno-obrazovnog sistema odgojno-obrazovnim sistemima članica EU.

S poštovanjem,

DOSTAVLJENO:

2 x Naslovu

2 x a/a, 03-05



MINISTAR

Prof. dr. Spahija Kozlić



Bosna i Hercegovina, Zenica, Kućukovići br. 2
Tel: 032/460-840, fax: 460-842
e-mail min.obrazovanje@zdk.ba

Sec lids